

FAKULTET SPORTA I TJELESNOG ODGOJA UNIVERZITETA U SARAJEVU, sa sjedištem u Sarajevu, Ulica Patriotske Lige broj 41, Sarajevo koju zastupa Dekan, prof.dr. Haris Alić (u daljem tekstu Naručilac usluga)

i

JAVNA USTANOVA KANTONA SARAJEVO ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU, sa sjedištem u Sarajevu, Ulica Patriotske lige 36, koju zastupa direktor Dr.sci.med. Žana Pozderac-Jahović, primarijus, specijalista interne medicine, subspecijalista kardiolog, ID: 4200098290005; PDV: 200098290005 (u daljnjem tekstu: Izvršilac usluge)

sklopili su slijedeći

UGOVOR O

OBAVLJANJU SISTEMATSKIH I SANITARNIH PREGLEDA

Član 1.

Predmet ovog ugovora su međusobni poslovni odnosi vezani za pružanje usluga sistematskih i sanitarnih pregleda radnika Fakulteta sporta i tjelesnog odgoja u periodu od 18.09.2019. do 04.10.2019.godine (cca 10 uposlenika dnevno) na temelju ponude broj: 01-3561/19 od 23.09.2019. godine.

U slučaju objektivne spriječenosti uposlenika da obavi sistematski i sanitarni pregled (bolovanje, stručno usavršavanje u zemlji i inozemstvu i drugi objektivni razlozi) u period od 18.09.2019. do 04.10.2019.godine, Izvršilac usluga se obavezuje da će navedenu uslugu tom uposleniku pružiti i izvan navedenog perioda, odnosno kada prestanu objektivni razlozi spriječenosti uposlenika da obave ljekarski pregled. O eventualnoj spriječenosti, Naručilac usluga će blagovremeno obavijestiti Izvršioca usluga.

Član 2.

Sadržaj usluga sistematskog ljekarskog pregleda uključuje:

- Laboratorijske pretrage (kompletna krvna slika, SE, urin, urea, kreatinin, ŠUK, bilirubin, AST, ALT, GGT, holesterol, željezo, trigliceridi, transeminaze, ASP);
- Ljekarski pregled specijaliste interne medicine – subspecijaliste kardiologa sa očitanjem EKG-a i nalazom;
- Ljekarski pregled specijaliste neuropsihijatra;
- Pregled i mišljenje psihologa;
- Ljekarski pregled specijaliste oftalmologa;
- Ljekarski pregled specijaliste medicine rada sa izvještajem.

Sadržaj usluga Sanitarnog pregleda uključuje:

- Uzimanje i pregled brisa nosa i grla na betahemolitički streptokok grupe A,
- Uzimanje i pregled koprokulture.

Član 3.

Cijena sistematskog i sanitarnog pregleda sa navedenim uslugama iznosi **76,50 KM** bez PDVa, odnosno **84,915 KM** sa PDVom po radniku, što za 63 radnika iznosi ukupno **4.819,50 KM** bez PDVa, odnosno **5.349,65 KM sa PDV-om**. Sanitarni pregledi ne podliježu obračunu PDV.

Član 4.

Mjesto izvršenja usluga je na adresi Izvršioca usluga JU KS Zavod za zdravstvenu zaštitu studenata UNSA Patriotske Lige broj 36.

Preventivni sistematski i sanitarni pregledi obaviti će se u vrijeme i na način koji odgovara radnicima Naručioća usluga, u dogovorenim terminima u periodu od 18.09.2019. godine do 04.10.2019.godine.

Član 5.

Izvršilac usluge mora biti u mogućnosti omogućiti svim radnicima obavljanje kompletnog sistematskog i sanitarnog pregleda unutar ugovorenih dana.

Član 6.

Izvršilac usluge se obavezuje obavljati usluge iz člana 2. ovog Ugovora savjesno, stručno i kvalitetno u skladu sa zahtjevima Naručioća, odredbama ovog Ugovora te zakonskim propisima i pravilima struke.

U slučaju neadekvatnog obavljanja ugovorenih usluga od strane radnika Naručilac ima pravo zatražiti drugog radnika na tim poslovima, a Izvršilac usluga se obavezuje tom zahtjevu odmah udovoljiti.

Izvršilac usluga se obavezuje obavljati ugovorene usluge u dogovorenim terminima, sukladno zahtjevu Naručioća.

Naručilac se obavezuje dostaviti Izvršiocu popis osoba za obavljanje sistematskih i sanitarnih pregleda.

Član 7.

Naručilac se obavezuje da će naručenu i obavljenju uslugu u skladu sa članom 2. Ovog Ugovora platiti u roku od 30 dana od dana prijema fakture, a prema broju stvarno izvršenih pregleda.

Izvršilac je saglasan da dostavi mjesečni račun izvršenih pregleda koji sadrži u prilogu detaljni izvještaj o broju osoba kojima su u fakturisanom razdoblju pružene usluge, a sve specificirano po vrsti usluga i vrsti obavljenih pregleda za svaku pojedinačno navedenu osobu.

Član 8.

Ugovorne strane su suglasne da se ovaj Ugovor zaključuje za period do izvršenja ugovorenih usluga iz člana 2. i 3. ovog Ugovora.

Član 9.

U slučaju da nakon zaključivanja ovoga Ugovora nastupe izvanredne i neočekivane okolnosti uslijed više sile, koje ugovorne strane nisu mogle predvidjeti niti izbjeći i posljedica kojih je nemogućnost ispunjenja ugovornih obveza, strana koja je saznala za njeno nastupanje dužna je o tome pisano obavijestiti drugu stranu, u roku tri (3) radna dana od nastupanja okolnosti više sile.

Član 10.

Na odnose ugovornih strana koji nisu drugačije regulirani ovim Ugovorom primjenjuju se odredbe Zakona o obligacionim odnosima.

Član 11.

Ugovorne strane suglasne su sve eventualne sporove iz ovog Ugovora rješavati sporazumno, a u slučaju nemogućnosti ugovara se nadležnost stvarno nadležnog suda u Sarajevu.

Član 12.

Ovaj Ugovor sastavljen je u 4 (četiri) istovjetna primjeraka, od kojih svaka ugovorna strana zadržava po 2 (dva) te u znak prihvatanja prava i obaveza predstavnici ugovornih strana isti vlastoručno potpisuju.

NARUČILAC USLUGE
Fakultet sporta i tjelesnog
odgoja Univerziteta u Sarajevu

Dekan

prof.dr. Haris Alić

Broj: 01-3681/19

Sarajevo 24.09.2019 2019.god.

IZVRŠILAC USLUGE
JUKS Zavod za zdravstvenu zaštitu studenata
Univerziteta u Sarajevu
Direktor


Dr. sci. med. Žana Pozderac, primarijus
Spec. interne medicine -
Subspecijalista kardiolog

Broj:03-02- 2168 2019

Sarajevo, 27.09. 2019.god.